

Zweite Chance

Musik & Text Björn Heuser / Verlag: HEUSERMUSIK, GMO Publishing

Un dann steihs du do, un jrins vür dich hin,
un dann steihst du do, un en Tron rinnt övver't Kinn,
wat es dat, wä wor dat – wat es passeet?
Dieh Hätz brennt lichterloh – bei jedem Liebesleed...
Wie kunns do däm Kääł nur sage, hä wör nit dinge Typ,
woher sullsts do och wisse, dat sich dat
öm hundertachtzig Jrad driecht?

**Halt dich jot ahn dinger Dräum fess,
do kanns nit verliere, wat do suwiesu nit häs,
jeder kritt, jeder kritt en zweite Chance – kein Angs,
noh jeder Naach kütt ne neue Daach!**

Un dann steihs du do, un häs der Zidder en der Häng,
un dann steihs du do, belurs nur noch de wieße Wäng,
blau weed jrau, bunt weed schwatz wie ding Siel,
du kanns nit verstonn, wie sull et wiggerjonn?

Do määs dich selver fäädisch, hey, doch dat es verkeet,
weil et irjendwo irjendwie am Eng suwiesu wiggerjeiht!

Halt dich jot...